

守  
意  
龕  
詩  
集

守意龕詩集卷十

三韓百齡菊溪著

巳酉

元旦

龍宿移辰斗轉杓又看芳歲啟三朝占豐瑞色花留雪  
獻壽新詞酒頌椒不愛詣人慙骨相可能開卷苗心苗  
校量節序春歸晚元旦前九日大雪節後九日立春九九寒纔一半消

正月五日次韻簡英煦齋二首

園林纔散鵲巢灰

元日燒鵲巢灰灑門出墨子秘要

東陸行看日馭回

縱使夜風寒作雪未妨春放畫堂梅

最是清遊五日娛，玉河煙霧柳千株。  
和陶詩似髯蘇好，記得斜川舊侶無。

人日

去年人日東郭東，霜催蘭畹遲春風。  
今年人日北城北

雪壓松阡照寒色

連年人日遞開戚友窗間

年去年來日月徂，兩輪

天上無根株。眼前纍纍一坏土，昨日之人今已古。  
死無涯生有涯，人間何處求丹砂。  
朱顏不樂雙鬢華，君不見朝千鍾夜五斗。  
且學參軍荷畝遊，茫茫萬事休回首。

題張節婦繡前出師表卷子

三年碧血色，七年黃鵠音。  
死者如生生，不愧忠臣發婦。

同此心此心如古井此身若枯樹卓哉巾幗賢精誠貫  
竹素縱橫一卷鍼有神斑斑漬淚痕如雨腸斷三生石  
上緣夢尋五丈原頭路風蕭蕭兮絲琴夜漫漫兮膏焚  
點畫波撇字字活不惟其字惟其文鞠躬盡瘁死靡忒  
如聞臨表涕泣之所云我觀此卷足不朽讀之未竟箝  
在口迴文何論組織工弄筆轉笑簪花醜仁人志士理  
則同一息尙存義當守要令彤管續班昭豈第高風服

劉柳

觀方碧岑洗馬錢黼堂編修唱和詩依韻寄簡兩

君

軟紅車轂感勞薪冷澹爲歡剩幾人百戲苦難開病眼  
一官閒及鬪吟身林餘朔雪鶯聲濕花戀東風蝶意嗔  
誰識城南芳信早小桃濃占兩家春

兩君各有侍  
史故調之

哭大宗伯德定圃先生

夫子文章伯中朝泰岱尊壽眉過七秩懸象黜三垣昨  
日白華養他年青史存路人猶灑涕豈獨痛師門  
特進聲名早從容大業垂是真儒者象常使後人思寵  
辱情難奪初終節不虧舉朝同輩少趨步式風儀  
天下孤寒庇龍門奉典型愛才真似命垂老尙譚經自  
不露圭角何曾滑滑涇春風消息渺歲歲泣光庭

卜居瞻斗近暇日侍吟壇許我讐佳句惟公念冷官受  
知青眼重論報白頭難淒惻墓門道蕭蕭風雪寒

二月八日約時泉蘭巖坦園過頤園文謙有作

花引春風滿舊蹊小園春酒又招攜連鑣有客來金馬  
善養何人似木雞且喜身將塵事遠不妨頭爲苦吟低  
比年才等江郎盡名字空慙鴈塔題

是日遲時泉蘭巖不至疊前韻嘲之

此心茅塞比山谿芟柞欣逢筆硯攜二客夢迷莊叟蝶  
一窗談倦處宗雞文如束筍何妨置謂蘭巖價已登龍未

是低

謂時泉

火速騷壇執牛耳休教新句賦無題

同人約集時泉齋中余因事後至車中得句

雞黍平生約何須折簡招詩懷榮酒伴風信殢花朝  
隘巷車難轉層城路更遙獨憐明月影遲我到深宵

書常理齋觀察愛吟草後

常係濟陽人於乾隆三十  
二年金川木果之變

節殉

周道吟翩離出車頌雨雪懷哉三百篇忠孝意已揭倘  
僅工文辭何由勵臣節常君東海英巨手長鯨掣蠶叢  
闕吟草作尹興無輟當其倒詞源浩浩江河決峻嶒筆  
鋒銳慷慨唾壺缺政拙心自勞道全身可滅不比從軍  
詩苦樂因人說風雅有正聲庶以紹前哲

仲春瑟居頤園風雪寒甚簡時泉蘭巖坦園時帆

諸君

二月春城暖尙遙曉風吹雪過花朝展邊陡覺新泥滑  
柳外翻驚弱絮飄名士因依成畫餅冷官惆悵爲詩瓢  
遠山一角寒雲繞閒數歸鴉影玉霄

門外寒暄馬耳風早年心跡故人同問名已掛蓬萊籍  
論命誰居磨蝎宮百卉昭蘇乘曉動六花飛舞到春融  
較量芳訊番番好都付銀罌翠管中

聞時泉擢宮詹志喜

排闥春風醒晝眠得聞好語一欣然九還猶恨燒丹晚



三汲俄驚破浪先天下文章須大筆近來臺閣半同年  
看君身似紅雲朶不待吹噓到日邊

萬里騰驤早歲心坐看華髮變蕭森榮枯過眼梅香永  
甘苦回頭橄欖味深那許焦桐溼古調好教桃李接新陰  
平生車笠論交久動色先陳座右箴

過定圃宗伯墓

此生夢斷西州路腹痛今看土一坏凍雪可憐青草沒  
春風猶憶絳帷開天留兆域牛眠吉人倚荒原鶴弔哀  
萬石家聲徵後起况看丙舍軼羣才

哭阮屠山司寇

最晚識君交，獨厚得閒過。我意常歡誰，知白日奔輪速。

頓使黃鑪載酒難，決獄舊推于定國。編詩苦憶鄭都官。

從今夢冷山陽笛。

山陽黃鑪自在河北，乃竹林七賢遊處。見河南省志與阮公之山陽無涉。

今日陶宗之故借用正佳。

青眼何人肯再看。

喜及門劉濬川，張立人朱養觀。申鶴翔禮闈，獲雋

鬱葱佳氣藹。交柯採斲欣逢匠，石過到手功名無愧色。

一生詞翰是餘波，未妨蘇軾崢嶸早。豈爲王曾喫着多。

起我十年衰颯意，爲君揩眼向鑿坡。

宿西苑直廬同坦園作

山氣沉高閣，溪聲過短牆。鳴禽爭選樹，倦客對支牀。天

近星河接官閒歲月長故人多好句題壁墨留香

李星垣上舍招同鑑溪蘭巖坦園遊城南尺五園  
郭外芳園半畝開到門花氣匝亭臺肯容一晌看雲坐  
不惜連鑣冒暑來咫尺便逢幽隱地招邀況是謫仙才  
去天韋杜名偏好柳旣鷗波飽溯洄

扇扇窗銜樹影濃午塘生受芰荷風重來看竹人無恙  
苦欲評花句未工塵夢漸消山色裏壯懷都付酒杯中  
何因卧聽鳩呼雨麥壠吹香祝歲豐

綠天清晝火雲收回首湖山話昔遊阮屐此生能幾兩  
蘇堤他日繫扁舟有人桑梓交親久經歲蓬萊宦蹟留

欲問玲瓏舊時曲小花蠻榼就儂不

星垣令兄香湖孝廉官浙江於役來

都約同遊未

至故及之

馬首東華十丈塵鏡湖何日乞閒身敢言宦徑青山好

愁對花枝白髮新

謂鑑溪親家

野鳥詎知園換主路人頻見

客尋春寺樓林外孤煙裊一杵鐘聲送晚輪

### 送圖時泉閣學扈從灤陽四首

華蓋星移玉塞光屬車今又賦長楊干盤蹕路登山迥

五月關雲帶雨涼入手名兼官職貴經年人益鬢毛蒼

儒林未少封侯骨書卷纔拋向射堂

時泉近學射

碧城朶朶接獅園十里鍾峰青到門鸞鵲書開迎玉璽

閣學例應請

寶龍蛇旗轉望金根秋霜擁樹衣頻換暑漲連

溪石共奔仙館奏名前席召

宸章賡和佇承恩

山莊聯步奉塵時矢箠弓衣豹尾隨再到我增三宿戀

此行君控八騶馳巷南屋在烟侵榻研北花殘月上枝

苦憶淮堦老司寇濃陰小雨詠吾詩

乙巳尾從有濃陰不斷全遮屋小雨

無聲忽到鞍之句阮

居山司寇謬加獎許

火鳳驚絃耳乍鳴宛吹邊唱入邊城未妨酒趁聽鶯醉

旋覺詩因射虎成鏡裏何人同白髮

謂蘭巖坦圖鏡秋諸公

巴南

昨歲駐紅旌

閣學去年典試蜀中

臨歧且誦皇華什四牡歸看擁

傳行

遇雨

出門雨點無入門雨聲住蒼茫雷電合我車適當路泥  
滑輪未安溝決水如注淋漓遍衣纓前卻忽窘步陰晴  
不可測所遇海有數城角過頑雲斜暉翳復吐

六月五日送徐鏡秋太史典試湖南

詞頭榮進

聖人知故遣文星下玉墀料得輶軒開笑口皇華添我  
送行詩

拔幟登壇百戰身與君矮屋記前因不緣科第承

恩早合似秋風璫璫人

郢中隨處有新歌唱到陽春喚奈何憑仗使君提玉尺  
短長量盡楚材多

嶽麓秋高鴈陣迴江船吹角一帆來美人心事瀟湘水  
采遍蘭蓀次第栽

次答鐵冶亭侍郎見懷

脫手驪珠字字圓墨花香膩浣花箋達人情寄煙霞外  
奎宿光分日月邊功到九還詩律細卧當百尺俗塵捐  
多君問訊高陽侶雙眼青猶爲酒顛

文書堆案日鑽研下直蟲魚手自箋覆篋敢云山可學

望洋祇歎海無邊，深慙科第功名早。合把酸醜嗜好捐，  
冷雨惺忪唵好句。一番秋氣到華顛。來詩有世味，蕭來  
狂態少宦情，薄處

熱愁捐之句  
故次章答之

六月初五日夜熱後大雨夢時泉閣學灤陽卻寄

鳥喙吐火魚尾枯，祝融夜焚乾坤燼。森風驅雲海水立，  
一搭萬頃煙煤污。射窗溜雨耿銀竹，去暑健若追亡逋。  
龍須六尺長簟淨，甘寢陡訝寒生膚。夢騎疋馬走關塞，  
身與駝足爭泥塗。故人即當笑把臂，其貌雖瘦神則腴。  
帳外千山帳中燭，弓猶掛壁拈吟鬚。詩成洗盞浮大白，  
主客意適人言迂。世間離別動相憶，梁月楓林易悽惻。



頤園一夜醉眠人飛度灤河雨聲北

憶得 山莊好效長慶體寄時泉同年四首

憶得 山莊好佳辰 翠輦遊橫峰雲過澗隔巷樹遮樓大漠呼鷹疾期門聽鹿呦數聞宣

口勅晴雨課西疇

憶得 山莊好清幽六月寒林開仙嶠淨天浸塞湖寬汀草碧迎馬野花紅過欄暝鐘何處寺西峪隔煙巒

憶得 山莊好分曹侍從閒傲居多傍水小坐且看山棋局簾重捲弓衣月半彎健吟猶點筆詩草數增刪

憶得 山莊好追陪獵騎過古關秋樹靜昏蹟斷鴻多

人事成前夢

謂阮唐山司寇  
瑞芝軒閣學

年華託逝波壯心雖未已

其奈鬢霜多

鑑溪親家聽雨詩有萬斛閒愁萬斛珠之句余愛  
之卽用其句奉簡

萬斛閒愁萬斛珠寂寥聲院雨聲麤連牀問與誰同聽  
好句吟成合憶吾

平臺晚眺

雲淨天如洗崇臺坐晚晴遠峯斜日影高樹暮蟬聲市  
遠鷺塵靜衣輕溽暑清疎鐘鳴野寺迢遞度層城

艾仙舟太僕扈從灤陽書來存問兼惠新詩次答

塞紫雲黃處弓衣侍

輦行漲喧禽語亂沙退馬蹄輕野性便愚叟長齋笑冷

卿

來書云斧資  
置日素食

從容三接日丹閣會書名

秋思託秋鴻邊聲忽以通人添三夜夢

杜詩三夜  
頻夢君

我愛

五言工素髮紅燈下蒼山白雨中老懷知健在莫放酒杯空

喜五弟舉子

屈指廿年長鶴原歲月賒吾猶艱抱子汝已聽呼爺慰  
老舍飴樂聞啼摩頂誇連蜚珠朶朶一一吐泥沙

送蘭巖考功典試湖北

風騷擅左徒萬古楚材博童蒙拾香草臭味誰能索君  
今採輶軒杞梓資樸斲運茲郢人斤雕彼荆山璞江風  
雲夢林江月武昌郭美人抱秋心所思在寥廓遨遊挾  
飛仙一笑羽衣鶴

兒時

驂篠簪花樂事紆兒時前夢未模糊千迴健步誇黃犢  
四紀流年感白駒書未讀多還上口樹曾栽活已連株  
而今一樣春暉裏矍鑠雙親杖日扶

坦園親家見和前詩作此酬之兼寄時泉

兩家風義本荀陳昆季相從東髮親我黠漫同黃鶴子

君才原號石麒麟，絲蘿稀後年非少。梨棗分時味最真。  
細數苔岑憐舊雨，眼前猶有未歸人。  
謂時泉隨從溧陽

七夕題查映山侍御泛槎圖

坐如天上一槎游，浩蕩真成不繫舟。玉塵尾長銀漢遠，  
何曾風浪使人愁。

茫茫瀛海路曾經，又見河干使節停。  
時映山奉命查屬艘四五尺

深秋水足峭帆今夕近，雙星

戈仙舟少僕疊前韻見懷次答二首

到眼秋如許，關河趁遠行。村園林葉瘦，帳壓嶺雲輕。奉  
齋思孫叔，擣毫召馬卿。近來遊詠處，草木盡知名。

星郵託雙鯉信宿往來通誰濟瓶罍罄

來詩以無酒爲恨

惟傳

筆扎工秋生山影外詩得鴈聲中晚興頻搔首蒼茫睇  
遠空

秋夜寄懷時泉二首

秋葉鳴秋心涼森掠庭樹短檠一孤影隱几夢屢寤關  
河阻且長伊人美無度寂寥懷好音斷鴈隔荒戍

脩篁墜清露月色忽零亂開簾千頃波耿耿濕斜漢我  
懷淒以清感茲節物換人生適意難所遇多羈絆蒲柳  
畏及秋髮白條過半思君如寒蛩長吟不能斷

竹雲孝廉爲余讎詩戒作苦語賦此識之

郊島平生數漫奇，瘦寒多半誤拈髭。  
中年哀樂誰能遣，無病呻吟或笑癡。  
涉世肯教雞斷尾，脩名終使豹留皮。  
從今罷鼓湘靈瑟，與子同尋幼婦碑。

湘晚坦園奉

命巡試院棘牆八月十四夜戲簡

更番走馬聽微哦，鎖院沉沉桂影過。  
不向龍門高處望，那知牆外月明多。

似遣文星作使星，短檐相對一燈青。  
白頭慣事清無寐，

夜夜當風聽鶴鈴。

場例夜禁放  
鶴防傳遞也

中秋夜懷時泉主試闈中

銀河左界珠斗懸文昌氣與三台連風簾東筍夜添燭  
想見落筆蟾光圓文章得失關性命或加諸膝或墜淵  
要知人間有正色粉黛未必皆嬋娟青袍白紵日鶴立  
願君回首思當年

題鄭秋浦侍御拈鬢獨立圖

人生那得立於獨克自建樹少顛覆茅檐曝背話金鑾  
到手江湖鬢毛禿崢嶸頭黑神清腴我相夫子非仙癯  
蓬萊可往芝可拾佳味豈必尊與鱸鄉園咫尺花被隴  
蒼鬣森森肖孤聳西風過處拈吟髭好句吹來玉無踵  
鏡秋太史於湖南道中和余贈詩四首見寄疊韻



答之時九月二日也

懶慢光陰醉不知，忽驚黃葉墮堦墀。  
一緘讀向西風裏，湘水秋分七字詩。

星軺隨處駐吟身，似與湖山別有因。  
一握清香過九畹，采蘭合寄素心人。

洞庭南北鹿鳴歌

時恭甫巖考  
功典試湖北

分領騷壇與若何，畢竟

日邊參朮好老翁，收入藥籠多

謂時泉  
閣學

桃李東園首重回，幾人攜榼看花來。  
閉門一夜蕭蕭雨，留得霜葩手自栽。

季蔡五弟秋闈報罷詩以慰之且勗焉

看到孫山目已迷果然咫尺判雲泥平添氣味干鍾酒  
未了因緣五夜雞爨下只慙非綠綺圖中難定是霜蹄  
連牀卧聽秋宵雨聒耳西風颯以淒

握槩登壇少長偕每歎聯步陟雲階嗟余暮景官猶冷

余年逾四紀少陵所謂飛騰暮景斜也累汝頻年運亦乖青眼枉邀良友

顧白頭難慰老親懷啁啾尙有驚絃鳥謂葛生菱溪戢影寒

### 林霧雨霾

筮短龜長數總奇墜來茵溷更誰知暴腮幾度纔燒尾

志目前番尙中眉季茶上科副榜有暇讀書原是福安心俟命

轉無疑蓬麻不藉扶猶直畢竟依憑乃自爲

清河道中遇時泉閣學自山莊復

命回都賦贈

秋風瑟瑟秋雲涼欲落不落林葉黃孤村流水背城郭  
坐令宦興歸農桑故人裘馬適當路邂逅揖我情難忘  
手提玉尺報

天子冀野一過無留良近來海內頌山斗君與老鐵爭

輝光

謂岩亭  
少宗伯

導揚

文教振士氣我無其分心則強鶴鳧要自有長短黍麥  
何必分低昂君聞此語忽大笑謂我尙爾狂夫狂前途  
努力各揮手就瞻絡繹車輪忙

時往接  
駕

遠山吐月夜皎

好那復歧路愁羊腸

月夜自蘭溝至南石槽

空澗秋原樹影橫  
鄰鄰前後聽車聲  
誰將十里寒雲掃  
喚起嫦娥送我行

山村夜坐

獨行忘遠近  
駐馬已黃昏  
寒色兼秋水  
喧聲集暮村  
臥瓶佳釀罄  
開篋素書存  
寂寞永今夕  
相邀月到門

早行

旅人譏宴眠  
登車獨犯曉  
寒煙散坡壠  
初日挂林表  
關河踏陳迹  
到眼心已了  
年華去飄忽  
接軫故人少

丙午  
丁未

同視正塘前輩瑞芝軒閣學  
赴密雲今祝鑾級瑞下世矣

遠山笑獨立瘦骨逼秋杪

馬頭寒吹聲落葉逐飛鳥

懷柔道中

秋盡奚庠界人過斥埃連山城風力猛車路石聲堅晚  
柿盈筐赤寒菘摘壠鮮近邊生計薄社鼓祝豐年

旅館不寐

昏昏墮醉夢大千同一夜中有不眠人澄懷獨傾寫殘  
燈射簷板斜月動屋瓦忽聞亂草聲一笑問老馬

所見

大道無停輪往來急昏且人心各有營造物握成算或

旋如蟻磨或聯如魚貫或如河競渡或如農讓畔前呼  
後則喁相雜不相亂翩翩者誰子裘馬獨彪煥橫行色  
怒嗔醉閑路人斷前程恃捷足壯往不能絆那知過涉  
凶違有淪胥歎殘軀奪魚腹不死神已渙道旁干手眼  
指視發笑粲嗚呼滿則覆此理當熟玩

村暮

夕陽下屋脊歸鳥聲啾啾農場滌若鏡相對人與牛東  
隣治尊酒父老同唱酬勿嫌酒味薄聊解一日憂昨朝  
府帖來比戶多差抽秋霖夏苦旱難爲卒歲謀我聞重  
歎息車馬爲遲留回頭衆山黑遠火明林陬

食新稻憶王鑑溪親家

鑑翁嗜稻每食盡一盃

饑腸鳴鼓駐行珂  
小店香秔翠釜多  
一晌滑匙思杜甫  
暮年加飯憶廉頗  
誰知粒粒經營苦  
但覺村村氣象和  
何日買田耕且讀  
閉門飽食共吟哦

見道旁乞者

老羸能否遂生還  
遷轉塵沙覓食艱  
秋水未防千畝壞  
今秋近畿郡縣多水  
路人誰破一錢慳  
空教涸轍思援手  
不爲饑

驅肯厚顏民是天  
民天自惜

詔書蠲賑十行頒

村店懸榜黃思吉

看山

平生未見書不少欲盡讀之苦弗早今日看山如見書  
琅函一一恣幽討初窺凹凸隔林樾漸訝截桌近蒼昊  
迴環百里村復村目之所到殊難了橫側誰揚巨刃劈  
瘦透更喜濃雲掃或伏如鱗蹲如貌無一直處形愈好  
古人愛山夙成癖王宰畫筆烏能曉思與山靈訂後約  
一邱一壑吾將老出郭襟懷已浩蕩近關氣象尤雄灑  
西風過嶺寒生膚賴有暖日黃綿襖

丁未九月至密雲僦居城西楊氏草堂今三年矣  
重至其家主人猶相識也與之言感歎不已爲

賦二律



萬人如海浩無津，萍梗難料去住身。一夕淹留成舊雨，  
兩番酬對是前因。孤城落日寒吹角，短巷挑燈緩駐輪。  
便覺濁醪甘似醴，共君斟酌話言親。

問訊山家歲所儲，半輸官稅半償逋。翁猶健飯貧何慮，  
子可耕田業不孤。地僻風光馴鳥雀，秋深鄉味記葵壺。  
神仙樂是閒居賦，甘載塵籠忽慨吾。

密雲城東接

駕

盧龍塞迥控城闈

帳殿崔嵬曙色分，滿躋白沙清似洗。一川紅日暖如薰，

森嚴侍

蟄旌旗煥況埽當街父老勤萬派潮聲過獵馬壯心騰  
踔倚風雲

以澗水烹龍井茶

茗飲日城市常苦井水渾攜來小團月煑向蒼山根冷  
冷澗泉潔寒淥浮瓶盆連番試活火漸作跳珠痕芳鮮  
嗜別味入口思其源何爲陸羽經灤水名不存此邦俗  
多瘦澗領延兒孫或云水之故擊甌頸自捫

俗謂澗水生瘦

懷柔道中寄五坦園

與君約同行君行忽不果豈無馬蹠躩似畏途坎壈蒼

山點紅葉秋色都歸我  
庚庚石子鳴早起  
炙車輶前軒  
後復輕堅卧聽掀  
簸且喜日向暖  
更無塵揚堞  
問余何所爲  
唸詩興亦頗  
譬如嗜土炭  
病不須藥裏  
祇慙心欲言  
下筆未盡妥  
邇來所遇蹇  
十事九不可  
驚年撫脾肉  
詎敢任偷情  
茲行僮僕歡  
健若脫羶鎖  
憶君擁蠹簡  
掃榻定虛左  
明日東城東  
圍爐話寒火

夜有偷兒爲犬所逐

寒宵耿不寐  
警枕遠鐘扣  
遙光入窗隙  
瑟縮瞰星斗  
忽聞乾葉鳴  
墮地訝誰某  
亭亭倚柱睨  
冉冉循墻走  
倉皇掩衣袖  
隱約辨肩肘  
勢將轉門樞  
入室縱豪取  
呼僮遠

莫膺遺失左右手  
噫噫黃耳吠一發  
隨指嗾木未許  
猱升嶠真奪虎負  
逡巡踰垣去借隣  
爲逃數吁嗟天壤  
間此輩亦黔首  
奸宄出寒餓豈不  
畏鞭杻安能勗有  
恥一歸歆竑人情  
不可測吾圍聊自  
守捍禦策奇勲一  
笑屬功狗

蘭巖自楚北還朝

詔試詩章擢授少詹事賦賀

采得湘蘭價便增  
頭銜依舊一條水  
青坊拜

命榮三接

丹陛陳詩賦八徵

試題八徵  
耄念

誰道執圭難特達  
從今傳翼

竟飛騰故人枚馬先鞭着

謂時泉冷亭諸公

大筆淋漓各奏能

題泰靜園侍御泛槎圖小照

顛波覆浪千帆斜茫茫人海同咨嗟蓬萊弱水渺難卽  
誰從博望浮仙槎靜園靜者脫塵屣妙悟已遍恒河沙  
逍遙斷木坐天上彷彿古渡臨匏瓜風濤萬頃不沾濕  
時有玉女飛天花三山蒼翠落襟袖使我清夢隨煙霞  
本來面目自寫照在家何必真忘家願君朝衫澣再着  
恩波太液無津涯不然神仙上界足官府玉樓金闕到  
眼猶繁華

冬日書懷次陳伯恭學士韻四首

冷逼橫牀面面風年光飄忽簿書中伏看懸馬心徒壯  
探笑奚囊句亦空雪黯重城催短景霜烘敗葉鬥春工  
寂寥最憶騷壇侶來往難逢似燕鴻

根觸閒情賦四愁西風蟲語共鳴秋蓬山路迥前塵渺

余不至瀛洲  
亭四年矣

蓮社香清淨業修

學士究  
心內典

善價頻聞收十

玉銛鋒何日試吳鉤書生不少封侯骨袖裏毛錐莫浪  
投

分領條冰意自便兩家萊綵過庭鮮舉頭可愛惟冬日  
撫髀難忘是壯年稍待吹葭更歲鑰又看鶩螿走雷鞭  
寒暄一任流光轉閉戶蟲魚手自箋

雞聲苦勸舞深宵豪氣於今已半消社裏量材猶有櫟  
雪中安性詎無蕉頻年棘院

丹書凜

連歲科場  
諭旨嚴肅

幾輩風簾絳蠟燒

謂典試  
諸公

聞道扶輪

資大雅輶軒能否愜歌謠

不晤景虛舟侍衛十年矣近於鄂侍御處見所作

詩和韻寄之

纔遣詩魔又酒魔半生甘苦個中多塵鞿似我經年縛  
心鏡知君幾度磨執轡有緣逢拾得拈花隨處見曼陀

閉門坐對慈燈朗千偈經翻義不訛

虛舟近  
學禪

竿木逢場慣解愁頭銜真好署浮休飛騰身似朝陽鳥

浩蕩心原不繫舟有數朋儕緣道合無邊風月趁閒收  
請看寥落豐城裏劍氣何人識斗牛

餓屋山莊隔短籬退朝花底漏聲遲

丙申秋日與盧舟尾暉滌陽

三

秋夢破連牀雨十載名傳畫壁詩問舊每嗟前輩少論  
交要與古人期玉河西畔珍珍柳攀折臨風寄所思

立春前一日遣興

樵經漁史屬閒身未老驚看白髮新臺閣近多同社友  
琴尊常伴過庭人閒情歲晚酬詩債生計年來減俸緡  
余被議奪俸 爲報園林消息好柳條明日便逢春  
已三年矣

歲暮書懷



懶拙何嘗日在公歲除官屏吏人空東風律轉春旂外  
朔雪寒消臘鼓中生計未妨鑽故紙浮名真似挽強弓  
六張五角騰騰過笑指星辰問厯翁

守意龕詩集卷十一

三韓 百齡 菊溪著

庚戌

元旦朝賀

賜宴太和殿恭紀

仙籌開壽域歲籥啓鴻鈞  
軼蕩天門迥細組

朶殿春拂雲分綵仗就日集華紳  
象裊龍香藹

恩頒鳳詔新仙頌歌應律嘉讌坐  
連茵鞠曆千觴賜更番百戲陳  
鶴飛人紀甲星拱

帝居辰渥澤涵鵠侶榮光逮  
雁臣文明惟

聖作保佑自天申  
洪範休徵備康衢  
頌禱頻濡毫揚  
盛典萬禩勒貞珉

讀圖時泉同年見懷詩感泣不已賦答二首

如雪麻衣久廢吟  
寺門春晚晝陰陰  
惜騰日月愁中過  
愴恍音容夢裏尋  
堆樹昏鴉孤子淚  
江湖夜雨故人心  
可憐陟岵瞻何及  
兩處悲懷一樣深

來詩自陳  
風木之痛

金函玉檢萬靈趨  
手展馨香到海隅  
執事固應防隕越  
受

恩難得効馳驅

時告祭  
孔陵禹穴等處

曾邦芹藻皆風雅  
越國山

川總畫圖憶我過  
庭游釣處六橋煙  
柳夜啼烏

送公晴巖比部出守青州

十年蘭社接榆枌，畫省仙郎迥軼羣。四牡屢攀淮甸柳，

晴巖疊次

一麾遙擁泰山雲。知名最早原無愧，來日方

奉使江淮。

多好策勲同，是王程冠蓋滿，不須惆悵宦途分。

時畿輔普

渤海經

軟紅塵淨，雨隨車解澤，欣逢典郡初。沾澍雨

綸原稼穡平津家世，本詩書出山不鑿珍，惟璞遇物能

容鑒，以虛管領清風琴鶴，伴後堂人見有懸魚。

焚香齋閣闌，榛蕪山繞雲門似畫圖，部下農歌漢循吏。

座中文采魯諸儒，未妨更覓書三策，只要常看水一盃。

敗意事多君記取，打門風雨吏催租。

玉昆金友恰隨肩與我都深翰墨緣  
繾綣每邀青眼顧  
論才合讓白眉先  
雲龍韓孟心相逐  
膠漆雷陳誼自堅  
他日璽書褒使節  
碧油紅旆岱雲邊

五月十七夜雨次夢禪居士韻

一枕輕雷送雨聲  
愁中點滴更分明  
可能九陌塵氛滌  
陡覺重軒水氣清  
禾黍望深應志喜  
松楸手種最關情

時先坐種樹

誦君詩似醍醐渥  
芒角枯腸漸吐榮

越二日又雨疊前韻酬雲巢

樹陰濃隔市廛聲  
曉啟園扉放眼明  
一雨頓令心去垢  
來詩真愛骨俱清  
才人跌宕風雲氣  
賓館低徊翰墨情

幾輩問奇紛載酒誰知可飲是公榮

夏夜同鑑溪親家坐蘭巖少詹春怡齋聽雨有感

樹暗雲垂屋風遙雨入城午炎銷笛簟夜氣逼鐙檠不

是秋窗聽偏令客意驚鴿原君夢遠苦憶對牀聲

時蘭巖令

弟出守

青州

萬點兼愁思茫茫一夕深簾櫳噓藥氣杯學倚蟲吟噉

蔗名場味

謂樹堂坦園諸公

將雛日暮心

謂鑑溪

寂寥分出處一

例感苔岑

祚薄惟憐我淒然弔影孤阡將何日表庭憶昨朝趨弟  
妹籌生計雲雷失壯圖菑畲先業在簑笠伴農夫

月夜

城角雲移山面面樓頭雨洗月娟娟可憐枕簟清如洗  
轉側愁人不得眠

哭時泉同年

凶耗遙傳信復疑尺書前月報歸期萬無死理今如此  
試數生平大可悲湖雨春深持節地岳雲宵冷夢楹時  
皇華賦罷風人杳七字翻吟薤露詩

竹箭材成大匠門幾回盤錯喜承

恩聲名畢竟文章重

時泉因賦詩稱  
旨遂邀顯擢

官職誰云骨相屯

墮地喜噴緣未解問天修短數難論茫茫九點齊烟裏

可有名香爲返魂

清華甲第苦吟身誰識官高境益貧讓棗只餘家四壁  
椎牛虛說俸千緡添來白髮皆愁緒過去黃鑪又劫塵  
寡鵠雙雛同弔影異時生計更酸辛

冰蠶火鼠判陰陽問疾宜無折臂良鑄鐵六州成大錯

分金千里護歸裝

山左長撫軍遣紀治喪賻贈甚厚

人生到此難回首

我輩相看各斷腸桑梓故交冠蓋滿典型苦憶蔡中郎

早拚投劾事躬耕再着朝衫少宦情

時泉於庚子年引疾園居乙巳春復

蒙起用

鴻羽雲遠方卜吉麟兒泉路倏先迎

幼子先入日痘瘍

庭花一雨都秋氣詩草同年是哭聲

鐵冶亭侍郎以三十韻五古寄輓



太息酒場棋局在可能有分到他生

同榜交親二十年上心陳迹總淒然聞鷄野寺書燈共  
射虎秋郊獵騎連每事贈言思藥石往時題句愛雲煙  
而今憔悴空留我卻爲憐君益自憐

四十纔過懶慢成頭銜情似此心清金銀不奪詩書氣  
草木能留館閣名載酒何人陪講席吹簫幾輩會佳城  
素車白馬君知否我是當時范巨卿

鳴騶猶記別城隈把手臨風墨經哀

二月上旬時泉過  
子聖舍話別不意

遂成繞樹只聞鶻對泣橫江難夢鶴重來曹騰病眼番  
承訣番淚寂寞多心寸寸灰送盡斜陽人影散西州門外獨

徘徊

冶亭侍郎以哭圖時泉同年詩見示愴逝傷離不堪卒讀因賦四韻報之

磨牛踏處散輕塵，惆悵尊前現在身。  
氣味詎緣官職判，交遊只要性情真。  
雲龍韓孟成千古，膠漆陳雷剩兩人。  
不解是歌還是哭，一回吟望一傷神。

爲夢禪居士題畫

樹多含雨難分葉，亭不安窗好看山。  
直遣林巒歸筆下，肯留名字向人間。  
畫無款秋懷到此詩，應瘦塵夢經年鬢。  
已斑便乞箇中添畫我，一枝竹杖問孱顏。

中元寺廬卽事誌痛

素節風日淒初秋月三五孟蘭理淨業梵唄喧法鼓翼  
茲龍象力一拯衆生苦冷冷哀響繁麻衣悲負土鷄黍  
不逮存所守在門戶析薪斲負荷外強中已腐九泉呼  
不聞兒生更何怙僧窗一燈暗枯坐淚如雨

烏啼篇

烏夜啼啼聲哀蕭蕭白楊樹捲地悲風來僧窗坐聽燈  
火滅中有孤兒淚如血泉路茫茫心斷絕朝看兒出暮  
望兒歸趨庭日日皆春暉昨猶綵服今麻衣烏夜啼啼  
不止反哺更無時雖生不如死

晚眺

金盆倒影漾微波，雨霽雲如快馬過。  
老樹陰圍村巷晚，亂蛩聲接墓門多。  
蒼茫野氣浮襟袖，寥濶秋心入薜蘿。  
忽報暝鐘催月上，暮天倚杖近明河。

大慈觀音寺有古槐二株四百餘年物也秋夜摩  
挲其下誌以短章

陰濃月忽暗，入寺落黃雪。  
天風颯然來，宛宛虬枝掣。  
翳誰植，雙槐突兀當殿列。  
梢空葉流雲，盤石幹屈鐵。  
俯仰四百載，萬類幾生滅。  
嗚呼皇天慈人世，斧斤絕居然對。  
一老凜凜不可褻，婆娑秋夜長披榛。  
誦古碣。

坦園侍御催漕天津以和劉竹軒司農舟中詩八

首見示次韻答之

弭節清吟遍潞河詩篇不礙簿書多一條沽淀盈盈水  
掛起秋帆載雨過

舳舻轉粟接雲津打鼓中流賽水神羽箭不停紅旆展  
萬船爭逐繡衣人

人自匆匆水自流窗紗題句夢勾留片雲催送前山雨  
倚棹重吟丈八溝

放溜聲喧開口船好山青擁柁樓前才人胸次原如海

下筆驚飛萬斛泉

先生登天  
津望海樓

水西齋閣漾晴暉百本湘蘭四座圍

坦園云少林齋  
中蓄蘭甚富

誰

識閒官閒不得一緘詩寄塞鴻飛

名士風流政有聲讀書眼似鏡光明渴懷何日親風雅  
薇露香分活火烹

春風消盡聖廬中一瞬雲煙事事空剩有酒腸詩膽在  
醉看芒角出無窮

調琴誰辨嶧材良一度聞聲一斷腸最喜逢君翻恨晚  
黃塵烏帽白髭長

菱溪同令嗣鏡江及舍弟小崑季棻霽原藤花閣

雨中分賦以微雲澹河漢爲韻余亦繼作五首

古藤冒空翠，縱橫龍蛇飛。春花綴瓔珞，枝幹秋逾肥。濃陰當晝暗，繞閣皆煙霏。涼飈動書篋，雨點俄穿扉。沉沉夜剪燭，街鼓聲希微。

雨中萬慮淨，雜坐蘭膏焚。寸陰聖猶惜，我輩當惜分。留畚寄圖史，臭味忘猶薰。騷壇一執耳，筆墨各張軍。崩壘門險韻，氣槩成風雲。

子季日蹉跎，學海徒汎濫。計茲十日寒，一暴時亦暫。傷哉念析薪，何時同負擔。愛君有虎子，出穴驚哮鬪。忽增如續悲，念念浮雲淡。

知子日亦久，別子日亦多重來。掃塵榻，霜鬢夫如何。潛

鱗縱巨壑好鳥倚高柯功名自有期勿爲悲輶軻長吟  
倒詞峽汨汨同江河

昔讀中秘書鹵莽弄柔翰汲深縵則短往往廢書嘆飄  
忽暮景馳開卷心已亂古來賢達流學殖在童冠激昂  
最同志耿耿倚天漢

玉簪花

花如筮朋盍挺出抱幽潔秋容潤而栗天巧至此絕連  
蜚朝翠數清脆露華纈誰知一草木不與藍田別中通  
外則直瘦削敲欲折空堂悄無人月到影忽滅盈盈入  
纖手柔香供採擷一笑插滿頭肌膚映冰雪



紙格同菱溪作

鴻蒙制字司元樞結繩而後昭形模蟲書繆篆體屢變  
以火炙簡相傳摹蔡侯解事更造紙臨池百幅龍蛇趨  
擘窠大字喜豪放蠅頭小楷愁模糊就中亦自有定格  
如圭測影矩不踰分牋片片白雪白界畫一一烏絲烏  
井田百畝肖方正綱目四寸同分疏連行波撇整以暇  
環燕肥瘦盜差殊文人往往鞅繩墨此格何可一日無  
君才要妙腕力健作字纍纍如貫珠金壺醮汁給御札  
會看藻采揚天衢鏤冰刻脂鑽故紙勿爲握管隣抄胥

訪舊

訪舊車輪半日忙一般門逕兩風光雀羅張後苔封徑  
燕壘營成樹滿堂到此豈分交厚薄片時已感客存亡  
人間幻境看多少竿木相逢總戲場

送祝芷塘前輩侍御南歸

早識歸田計已成淹留爲展祝

釐誠

芷塘於八月十三日恭祝  
萬壽後卽買舟南行

螭坳班退朝衫脫鷓首風回潦水清難得就閒稱老福  
儘堪不朽是詩名王猷竹逕袁安雪

謂簡齋夢  
樓雨公

分領江

湖處士聲

芸館編摩問字頻十三年步履綦塵由今視昔皆陳迹

知我如君尙幾人宦逕未妨收局早生涯誰念入山貧  
臨分握手無他囑鄭重千秋著述身

中秋對月

歲歲秋宵月影圓弟兄同奉鯉庭歡而今一樣清輝滿  
不忍重將淚眼看

送蕭雲巢孝廉歸楚南

愛客孔文舉論詩王子衡相逢偏暮景此別况秋聲萬  
樹薊門瘦片帆湘水清天涯一揮手迢遞不勝情

九日東郊

溫清何能到夜臺每逢佳節倍銜哀百年事業青箱在

四紀光陰白髮催  
厭聽林鴉爭樹噪  
愁看野菊冒霜開  
全家都在秋風裏  
一路車聲上塚回

秋夜

簷風捲鐸不成眠  
隔巷鐘聲甲夜傳  
九月秋容雙鬢裏  
十年心事一燈前  
噉名始覺身爲患  
涉世誰知命有權  
躍馬臥龍千古事  
等閒過眼祇雲煙

王少林司馬過訪賦贈

片月窺人影  
寒燈漾酒波  
十年勞遠夢  
一夕得酣歌  
如此詩人少  
相看鬢霜多  
何因荒逕裏  
車馬日來過

菱溪以詩謝米次答

不求溫飽志原殊氣自凌雲睡似珠五斗何曾腰便折

菱溪考  
職未補

四方其奈口難餬本無困可逢人指轉笑腸因

索句枯何日耦耕收萬斛綠簑春雨共沾濡

郊廬冬夜

十月十七日奉移  
先靈暫厝丙舍

荒雞叫寒夜轉側慘不寤出門天蒼蒼殘月挂村樹數  
椽築高墉靈輻此暫住想像一棺隔音容難再睹人世  
多鯉庭我生斷泉路掩袂霜霰集煢煢泣縞素

墓田初營丙舍菱溪枉過以詩見唁次韻酬之

學詩猶記白華篇夢斷趨庭倏半年霜氣滿園秋更感  
鳥聲繞樹夜無眠萬家可置知何日一頃歸耕欲買田

多謝東芻徐孺子夕陽影裏弔新阡

燈花同樹堂蘭巖鏡秋和菴芝崖諸公庶常館作  
芳訊更番送喜來蘭缸頃刻報花開九枝正好紗籠護  
一朶何須羯鼓催眼底微茫分幻影夢中彷彿鬪新裁  
金蓮撤後春暉渺意誰憐寸寸灰

送葛菱溪之瓜儀漕使查映山侍御幕中

君來柳眼春風碧君去馬頭寒雪白怪君來去太匆匆  
身在秋鴻社燕中平生倔强耿奇抱拔足塵埃苦弗早  
記得相逢翰墨場十年人伴青燈老老去依人汗漫遊  
平山堂畔又勾留畫船簫鼓竹西月消盡蓮花幕裏愁

君行胡不樂沽酒勸君酌詞客應尋璧社珠癡人但說揚州鶴噫吁噫富貴神仙不可期人生樂在心相知青萍結綠發光久此是纜逢薛卞時

冬夜讀李松霞燕山吟草賦贈

寒雲凍雪燕山道驢背逢君恨弗早不是隨風咳唾來那知隔巷吟聲好挑燈把卷大聲讀萬派波瀾下筆老燕趙悲歌奇士多蒼茫對酒傷懷抱十年不踏天台路夢裏煙霞隔瑤島依舊春衫傍夕陽黃金臺畔青青草勸君鄭重苦吟身過眼空花一齊掃鏤冰刻脂不稱意看我於今雙鬢稿

題恭少詹蘭巖長春圖小照

吾年四十髮白早朋輩相逢詫醜老阿婆低首少年場  
西抹東塗堪絕倒怪君何物駐顏色堆面春風縵紋掃  
仙宦誰尋漏勾砂美人合贈瑤臺草記得金門射策時  
青衫綠鬢官花繞十年玉尺丹霄上手抉天章揚麗藻  
幾回瀛海卻顛風依舊揚帆涉蓬島年年對酒春常在  
歲歲看花人漸少

謂圖時泉瑞  
芝軒兩閣學

知君分寸惜光陰未許

塵容日枯槁噫吁嚱當面相歡背面笑白頭棄置何人  
道展卷常思總角好

題王少林司馬學圃晚香圖



遼淨西沽水氣清打門黃葉送秋聲一樽吟向西風裏  
畢竟寒芳無世情

澹中生活識天全老圃香多晚更憐無數穠華紅照眼  
可能留得到霜前

王少林以所作袁安卧雪賦見示因囑英夢禪居  
士寫卧雪圖并題長句於上以寄少林

冷噤鴉聲一林雪凍雲壓岸層冰裂丁字沽邊徑路絕  
閉門誰識長官清剪水飛花賦手精浩然思古發幽情  
汝南高卧媚幽獨如鶴在林駒在谷剝啄到門吏不俗  
其人雖往其韻流髯翁妙筆工真搜重向龍瞋畫裏遊

我聞金陵賜軸散煙霧

宋真宗以袁安卧雪賜丁賞心亭於金陵擣賞心亭貯之

亭畔空題句試懸此圖讀此賦天工應遣六丁護吁嗟  
乎有聲畫無聲詩古人似此猶難之一仕一隱皆吾師

題法學士時帆禪悅圖小照

雞窠渺遐算鼠穴馳幻想世有選佛場吾亦掉頭往紛  
紛冠蓋九衢塵坐得蒲團是淨因若覓如來金粟影人  
間幾個謫仙人

太白詩金粟如來是後身

臘日東郊作

巷柝敲殘曙色晴重門傳鑰遞車聲寒雲滿樹日初上  
人與曉鴉爭出城

雪色連腔凍未消，煙墟寒趁馬蹄遙。  
村童臘鼓更番擊，似喚春風上柳條。

雞聲膈膊出荒籬，老樹圍杆瘦幾枝。  
一片短簷山影過，斜陽華表立多時。

冬郊

亂峯逼寒色，初日散煙霧。  
馬頭片片白，殘雪落枯樹。  
坡坳縱復橫，村徑莽迴互。  
年光息羣動，客意感遲暮。  
驚飈忽以喧，飛起棲沙鷺。

鑑溪親家冬夜過訪賦贈

酒龍詩虎尋常見，老健如君剩幾人。  
行馬門高數王謝。

種花村好是朱陳燈前坐久心兵戢林下寒多鬢雪新  
不使長鏡換腰笏五雲里現宰官身

鑑溪欲改  
宮都下

樂賢堂夜話次英煦齋太史韻

照雪一林月寒光高下并兩人心淡泊一瞬眼空明妙

墨留真跡前賢有定評數行悲憤語九死不移情

是日  
觀前

明史闕部答 本朝睿  
親王書并家書遺稿

次韻答英煦齋雪中見懷

風勒鴉聲晝不聞寥寥銀海六花粉天憐况瘁備春澤  
人喜孤清掃俗氛二本盆梅寒到骨一卷窗石瘦生雲  
尖父冷韻誰拈得好句沉吟破宿醺

不寐

卧看疎影轉庭柯  
冷月流窗寸寸波  
歲晚閒愁寒漏永  
人間好夢少年多  
無才敢謂鉛能割  
有口終防玷不磨  
驀地回頭鐘落枕  
萬緣消盡一聲過

頤園晚坐

萬瓦浮煙冑短垣  
寥寥天宇又黃昏  
飄殘朔雪春生樹  
數盡寒鴉月到門  
名士幾曾羞畫餅  
冷官端合伴吟尊  
三生業在書燈裏  
牆角青燐照鬢痕

村舍

獨樹荒村出雙輪  
小店停氣淫窗日  
白寒聚瓦煙青儉

歲神無賽愁吟鬼欲聽何因成薄醉濁酒倒連瓶

歲暮追和坡公韻三首

饋歲

歲晚互投贈有無意相佐要以申永好豈必論奇貨連  
罌滄酒甘登俎遠豕大貧富喜徵逐而我閉門卧濡毫  
墨澆壁開帙燭輝座眼中日月轉冉冉蟻旋磨懷哉縞  
紵情太息故人過愁吟臘鼓擊古韻自賡和

別歲

來日不愁短去日常願遲瞻茲西崦景夸父安能追歲  
行道路賒茫茫無巔涯俯仰在人境爲歡能幾時親串

羅酒漿僮僕分甘肥亦如送遠客祇增離別悲殷勤數  
回首遮道前致辭春華努力愛勿使朱顏衰

守歲

懶慢易成夢誰與祛睡蛇窗明樹根雪寒氣重簾遮不  
知歲欲除遑問夜如何比隣爆竹鬧驚聽人聲譁及時  
苦慰勞似嫌晨鼓搥強起理杯酒坐對煙篆斜趨庭四  
十載歲月空蹉跎顧瞻堂與構負荷烏敢誇

月夜過夢禪居士聞妙龕

幽棲深巷坐更闌塵海無聲夜氣寒戒定慧原參佛慣  
畫詩書總入時難上頭白髮添家累到眼青燈結古歡

萬戶沉酣誰夢醒凍蟾留待兩人看

歲暮書懷簡蘭巖少詹坦園侍御四首

跳躑雙丸喚奈何眼看三百六旬過一年佳日爲歡少  
千古騷人失意多檢點鬢痕還共惜商量圭角要全磨  
閒官風味兒童慣鎮日當門設雀羅

夜風吹雪曉風晴繞巷雷轟爆竹聲九寓稱觥民氣樂  
四時調燭歲功成松楸難續趨庭夢書劍常慙報國情  
尺短寸長原自識不勞龜策問生平

暖日曛曛繞座看小人有母頌椒盤微名便覺毛生喜  
嬌女能承左氏歡底用撥弦傷老大只多栽竹報平安



薄田二頃書千卷飽食酣吟歲月寬

燈花如穗夜光分狼藉情懷酒半醺遠道魚書銜涕淚

時接逢訪巷表  
兄西域來書

故人詩草化煙雲塵籠夢醒僧歸院庭

樹春生鳥喚羣細結柳車成一笑世間多少送窮文

守意龕詩集卷十二

三韓 百齡 菊溪著

辛亥

立春日郊行

滿城歲鼓春歸早  
騎馬出門山色曉  
半日東風便有情  
一聲暖送出林鳥  
柳條翦翦麥苗短  
生意勾人雙目瞭  
回看桃李

御園花向榮心事添多少

正月三日夢禪居士過頤園小飲明日疊舊韻詩

見示次答二首

日馭初停雪意闌園林風過不驚寒新醅細酌迎春早  
舊韻重賡繼響難紫府雲翹仙宦集白頭花勝老人歡  
繁華生計關耕鑿挂闕農祥着眼看

增年未許壯心闌小閣燈明劍氣寒知已可逢塵世少

盛名無愧古人難眼前邱壑藏身便

居士解組二十餘年

夢裏湖

亭覓句歡

時話西湖舊游許寫憶梅圖見示

便乞橫斜摹瘦影一枝竹

外卧常看

鑑溪親家和余歲暮書懷詩疊韻奉答四首

諷君佳句似陰何荒逕頻煩杖履過豪論每驚壺口缺  
秘書應貯枕函多老能健飯鞍猶據憂本傷人墨共磨

除是冥鴻絕塵想碧空無處可張羅

海日掀波蚤雨晴佛桑花度鷓鴣聲羅浮破夢蝶疑在

鹽鐵經心論早成物望已歸循吏傳

君在粵東鹽場以保薦入都

年

華忽感故園情稚兒嬌女添家累婚嫁何時了向平

小園花木四時看儘可徜徉谷似盤疏食尙餘儒者樂

醇醪合厲酒人歡山中白社招靈運天下蒼生起謝安

引向五雲多處望

恩波新沛液池寬

牢愁畢竟有誰分只恐春風解宿醺好景一年先得月

孤兒半夜獨瞻雲忘機浩蕩尋鷗侶

謂夢禪居士

刷羽躡躔

數雁羣見說燃藜同照讀

時恭少詹約同人作文會

詞壇燈火動星

文

正月二日對月次蘭巖韻

庭枝春解朔風嚴捲幔斜窺月魄添養晦人心宵不寐  
示冲天象歲先占纔開鸞鏡流輝淺肯逐蛾眉闕影纖  
料理酒杯元夕坐大光明裏看新蟾

次韻答蘭巖人日見訪話舊一首

花市春燈照酒旗咬春筵上翠添羞

是日蘭巖有公燕

留君蓬

嶠看雲久佇我柴門挂月遲七不堪中交欲絕一無長  
處世皆知顛波宦海頻驚眼誰是收帆到岸時

四圍老樹三弓屋，纔扇東風氣便和。雪色融階春醞釀，墨痕題壁歲消磨。敢云驥足空羣少，尙有蛾眉未嫁多。截斷塵緣惟慧劍，大歡喜境一生過。

爲天津王少林司馬題藉山讀書圖

圖係少林官  
楚北時作

懶慢才人鬢易皤，早年詞賦動關河。誰知眯眼風塵久，猶愛隨身卷軸多。漢上有碑應墮淚，郢中無客不聞歌。而今夢繞西沽水，又聽書聲一櫂過。

以近詩奉質馮星實前輩賦此道意

亂書堆裏支高枕，懶慢光陰最易消。黃菊遲看佳日負，上年九日青驄許步後塵遙。何人氣象干霄漢，大筆文見招未往

章瀉海潮只有爨桐聲太苦先生應爲改絃條

上元對雪用聚星堂禁體韻簡鑑溪

東皇試手翦雲葉散作春城萬家雪紛糅飄灑勢未已  
曉壓鄰牆爨煙絕長松掃逕愁冰兢瘦竹當窗訝磬折  
浮浮氣粘一麥潤濼濼膏凝六花滅要令豐歲豚蹄占  
詎惜春燈釐背掣我懶不出弄柔翰斜行矮紙墨痕纈  
誰誇豪飲杯墮影只憶清談座罪肩黃昏景色轉淒緊  
積霰隨風任飄瞥寒齋釐粥少年味宦達何人更追說  
願君忍凍盟初心長與石交磨硯鐵

題張萼樓十二梧桐圖小照

耽幽自成趣孤坐隔塵囂我夢落秋樹君家多鳳條陰  
森青玉削睥睨碧雲遙回首讀書處故山猿鶴招

上元前四日聞恭蘭巖少詹招同法時帆學士德  
樹堂侍讀徐鏡秋檢討文芝崖瑚和庵編修春  
怡齋作文酒之會賦此索和

分棚歌舞鬪年光詞客關心翰墨場四部書窺羣玉府  
九枝燈翦聚星堂偶同鴻雁誌先後詎似鶴鳧分短長  
各有鞞鈴飛將畧一時旗鼓定相當

給札爭誇作賦精摩空先試殿前聲諸公义手有餘勇  
賤子垂頭無限情少日曾陪中秘讀才名虛負汝南評



不知雜座酣吟候客右還能憶馬卿

夢禪寫憶梅圖見貽再疊前韻報謝

雪壓重茅月倚闌數枝標格寫清寒只疑探向孤山早  
不道移來健步難畫裏春陰無限思少時驢背有餘歡  
從今一洗繁華眼爛醉同君挂壁看

丙舍

野屋春寒峭風號獨客吟頻傾一腔血難答九原心暑  
短日烏墜愁多霜鬢侵摩挲墓門樹手植佇成陰  
負米情何極椎牛願在賒此生惟養母無路可尋爺壠  
月迴春雁村烟噪暮鴉蒼茫身世感丙舍泣年華

題李春麓同年給諫綠筠野館圖

騷人每歎家四壁儒者只愛宮一畝青山好去坐無錢  
那能大力負之走君今結搆憑意想煙霞全出丹青手  
吏事袞袞困簪笏清夢時時赴巖藪便娟擁座萬竿碧  
月榭風檐滌塵垢此君瀟灑耐清吟勁節虛心約白首  
縹緲詎攜謝傅屐寒陋不翦庾郎韭吁嗟此意未易副  
盛名清況孰兼有買田擬向誰華東君自種竹我種柳  
山光水色連戶牖百壺日醉任城酒與君結隣君許否  
三疊前韻答夢禪夜坐韻

掠鬢風多酒易闌壁衣深護紙窗寒燈前詩卷耽吟慣

畫裏梅花索笑難

時以憶梅圖見贈

七種菜餘春圃味

是日飯開妙龕

五侯鯖鬪少年歡  
昨宵明月今宵雪  
天遣幽人冷處看

唐花

芳菲一窖出春前  
頃刻花開各逞妍  
豈是吹來寒谷律  
只疑分得化工權  
根如不朽生無盡  
樣可翻新見每憐  
畢竟幻同殷七七  
鶴林千朶散雲煙